



Aningaasaqarnermut Naakkersuisoq

Pingasunngornermi ulloq 23. december 2009 Aningaasaqarnermut Ataatsimiititaliap aalajangenera pillugu Naalakkersuisunut ilisimatitsissut - Suliassaq nr. 01.31.06/09-00456

2010-mut Arctic Green Food A/S-imut sullissinissamik isumaqatigiissut pillugu (Sags nr. 01.31.06/09-00456)

Naalakkersuisut inassutigaa,

- sullissinissamut isumaqatigiissut 9.111.044 kr.-inik aningaasartalik ilanngullugu nassiunneqartoq taamatut isikkoqarluni akuersissutigineqassasoq,
- aningaasat kr. 9.111.044 kontumit pingaarnermit 20.11.72, Illoqarfiit nunaqarfiillu ilaanni immikkut ittumik suliniutissanut sillimmatinit akilerneqassasut.

Aningaasaqarnermut Ataatsimiititaliap oqaaseqaatai

Suliassami nr. 01.31.06/09-00455-imi (2010-mut kiffartuussinerit pillugit Royal Greenland A/S-imik isumaqatigiissut) Aningaasaqarnermut Ataatsimiititaliap oqaaseqaatai innersuussutigineqarput.

Aningaasaqarnermut Ataatsimiititaliap aalajangenera

Naalakkersuisut inassuteqaataat Aningaasaqarnermut Ataatsimiititaliap **akuera**i makkuninnga piumasaqaatitalerlugit:

1. RG pisussaaffilerneqassasoq nipisat tunisaanerisa nalaanni tunisassiorfiit tamanna akornutissaqanngippat ammatiinnarneqarnissaannut.
2. Isumaqatigiissummi § 5.2-mi aningaasat ingerlaernerannik nalunaaruteqartarnermut tunngasoq pisortat siulersuisullu akissarsiaqartinneqarnerannut aningaasat qanoq amerlatigisut atorneqarsimanerannik paasissutissanik immikkut ilaqartinneqartassasoq.
3. Isumaqatigiissutip §-iisa siullianni immikkoortumi kingullermi ”allanilluunniit” oqaasertaliisimaneq erseqqissarneqassasoq. Pisariaqarpat imatut allatut oqaasertaliineq “allanilluunniit nammineq pisuussutiginnisamik” taarsiullugu atorneqarsinnaavoq.
4. Piumasaqaammik naammassinninnginneq isumaqatigiissummik annertuumik sumiginnaanertut isigineqassasoq § 4, imm. 5-imi aalajangersakkamut ilanngunneqassasoq.
5. § 6, imm. 3 aalajangersagaq allatut oqaasertalerneqassasoq, taamaaliornikkut

erseqqissarlugu Arctic Greenfoodip paasissutissiinissaminik pisussaaffimminik naammassinninnissaata tungaanut Namminersorlutik Oqartussat akiliutissaminnik uninngatitsisinnaanerat Namminersorlutik Oqartussanut paasissutissiinissamut tunngaannarani aamma Kukkuersiunermit Ataatsimiititaliamut Aningaasaqarnermullu Ataatsimiititaliamut paasissutissiinissamut sammisinneqartoq.

Aningaasaqarnermit Ataatsimiititaliaq sinnerlugu

Naaja Nathanielsen
Aningaasaqarnermit Ataatsimiititaliap siulittaasua